



Broj: 0101-5244-11/19

Sarajevo, 12. 11. 2019. godine

Na osnovu člana 69. stav (1) tačka a), člana 70. stav (1), (3) i (6) i člana 111. stav (13) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog otvorenog postupka za javnu nabavku usluge: Interkonekcija članica Univerziteta u Sarajevu prema Univerzitetском tele-informatičkom centru, postupajući po stavovima Ureda za razmatranje žalbi BiH, navedenim u Rješenju broj: JN2-03-07-1-1944-12/19 od 26. 09. 2019. godine, na preporuku Komisije za provođenje postupka nabavke broj: 0101-5244-10/19 od 07. 11. 2019. godine, rektor Univerziteta u Sarajevu je d o n i o

### **ODLUKU o izboru ponuđača i dodjeli ugovora**

#### **Član 1.**

Prihvata se preporuka Komisije za provođenje postupka nabavke broj: 0101-5244-10/19 od 07. 11. 2019. godine i ugovor o javnoj nabavci usluge: Interkonekcija članica Univerziteta u Sarajevu prema Univerzitetском tele-informatičkom centru dodjeljuje ponuđaču LOGOSOFT d. o. o. Grbavička 4, 71000 Sarajevo, čija ukupna cijena ponude iznosi: 48.144,00 KM bez PDV-a (slovima: četrdesetosamhiljadajednastotinačetrestetiri KM i 00/100), što sa uračunatim PDV-om iznosi: 56.328,48 KM sa PDV-om (slovima: pedesetšesthiljadatristotinedvadesetosam KM i 48/100).

#### **Član 2.**

U Tački 15. Zapisnika o ponovnom pregledu i ocjeni ponuda broj: 0101-5244-10/19 od 07. 11. 2019. godine, koji se nalazi u prilogu ove Odluke, Komisija za provođenje postupka nabavke je konstatovala da je izabrani ponuđač LOGOSOFT d. o. o. Grbavička 4, 71000 Sarajevo u ponudi dostavio ovjerene kopije svih dokaza o ličnoj sposobnosti i ekonomskoj i finansijskoj sposobnosti traženih Tačkom 13.1. i 13.3. Tenderske dokumentacije, pa se u skladu sa odredbama Tenderske dokumentacije izabrani ponuđač oslobađa obaveze naknadnog dostavljanja originala ili ovjerenih kopija navedenih dokaza.

#### **Član 3.**

Ova Odluka će biti objavljena na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

#### **Član 4.**

Ova Odluka stupa na snagu danom donošenja.

### **Obrazloženje**

Na osnovu Odluke o pokretanju postupka javne nabavke broj: 0101-5244-1/19 od 26. 06. 2019. godine, Univerzitet u Sarajevu je pokrenuo otvoreni postupak za javnu nabavku usluge: Interkonekcija članica Univerziteta u Sarajevu prema Univerzitetском tele-informatičkom centru.

Obavještenje o nabavci broj: 999-1-2-74-3-59/19 objavljeno je na Portalu javnih nabavki dana 01. 07. 2019. godine.

- Sažetak Obavještenja o nabavci broj: 999-1-2-74-3-59/19 objavljen je u „Službenom glasniku BiH“ broj: 45 od 05. 07. 2019. godine (broj obavijesti: S1-12351-19).

Dana 01. 07. 2019. godine na Portalu javnih nabavki objavljena je i Tenderska dokumentacija broj: 0101-5244-3/19.

Komisija za provođenje postupka nabavke je u Zapisniku o javnom otvaranju ponuda prispjelih do 17. 07. 2019. godine do 10:00 sati, konstatovala da su ponude dostavila 3 (tri) ponuđača: BH Telecom d. d. Franca Lehara 7, 71000 Sarajevo; LOGOSOFT d. o. o. Grbavička 4, 71000 Sarajevo i TELEMACH d. o. o. Džemala Bijedića 216, 71000 Sarajevo.

Komisija za provođenje postupka nabavke je u Zapisniku o otvaranju ponuda sačinila sažetak ponuda primljenih u roku, po redoslijedu prijema:

R. br.	Naziv i sjedište ponuđača Interkonekcija članica UNSA prema UTIC-u	Ponuđeni popust	Ukupna cijena ponude
1.	BH Telecom d. d. Franca Lehara br. 7, 71000 Sarajevo	0,00 KM	32.442,90 KM bez PDV-a 5.515,30 KM=PDV ....37.958,20 KM sa PDV-om
2.	LOGOSOFT d. o. o. Grbavička 4, 71000 Sarajevo	0,00 KM	48.144,00 KM bez PDV-a 8.184,48 KM =PDV 56.328,48 KM sa PDV-om
3.	TELEMACH d. o. o. Džemala Bijedića 216, 71000 Sarajevo	0,00 KM	49.917,60 KM bez PDV-a 8.486,00 KM =PDV 58.403,60 KM sa PDV-om

Komisija za javnu nabavku je prema članu 65. Zakona o javnim nabavkama izvršila pregled i ocjenu ponuda, što je evidentirano u Zapisniku o pregledu i ocjeni ponuda broj: 0101-5244-6/19 od 22. 07. 2019. godine.

Nakon pregleda ponuda, Komisija za provođenje postupka nabavke je ocijenila:

1. Ponuda ponuđača BH Telecom d.d. Franca Lehara 7,71000 Sarajevo, je PRIHVATLJIVA;
2. Ponuda ponuđača LOGOSOFT d.o.o. Grbavička 4, 71000 Sarajevo, je PRIHVATLJIVA.
3. Ponuda ponuđača TELEMACH d.o.o. Džemala Bijedića 216, 71000 Sarajevo, je PRIHVATLJIVA.

Nakon uspješno okončane e-aukcije, Komisija za provođenje postupka nabavke je sačinila konačnu listu ponuđača za nabavku usluge-Interkonekcija članica UNSA prema UTIC-u:

R.br.	Naziv ponuđača	IDB/JIB	Konačna cijena KM bez PDV-a	Rang
1.	TELEMACH d. o. o. Džemala Bijedića 216, 71000 Sarajevo	4200209890007	32.300,00 *	1
2.	BH Telecom d.d. Franca Lehara 7, 71000 Sarajevo	4200211100005	32.359,00 *	2
3.	LOGOSOFT d.o.o. Grbavička 4, 71000 Sarajevo	4200236190009	48.144,00 *	3

\* Označava cijenu na koju se primjenjuje preferencijalni tretman

Na preporuku Komisije za provođenje postupka nabavke, donesena je Odluka broj: 0101-5244-7/19 od 24. 07. 2019. godine o izboru ponuđača i dodjeli ugovora o javnoj nabavci usluge: Interkonekcija članica UNSA prema UTIC-u ponuđaču TELEMACH d. o. o. Džemala Bijedića 216, 71000 Sarajevo.

U vezi sa obavezom dostavljanja originala ili ovjerenih kopija dokaza traženih tačkom 13.1. i 13.3. Tenderske dokumentacije, Komisija za provođenje postupka nabavke je u Zapisniku o ponovnom pregledu i ocjeni ponuda navela koje dokaze je ponuđač TELEMACH d. o. o. Džemala Bijedića 216, 71000 Sarajevo dostavio (taksativno navedeno u Tački 10. Zapisnika o ponovnom pregledu i ocjeni ponuda), te je konstatovala i zaključila slijedeće:

1. Ponuđač TELEMACH d. o. o. Džemala Bijedića 216, 71000 Sarajevo JE DOSTAVIO DOKAZE o ispunjavanju uslova za ličnu sposobnost ponuđača, u roku od 3 dana, koji su traženi Tačkom 13.1. pod a.2), b), c) i d) Tenderske dokumentacije, te dokaz o ispunjavanju uslova za ekonomsku i finansijsku sposobnost ponuđača, koji je tražen Tačkom 13.3. Tenderske dokumentacije.

2. Ponuđač TELEMACH d. o. o. Džemala Bijedića 216, 71000 Sarajevo NIJE DOSTAVIO, odnosno PROPUSTIO JE DA DOSTAVI original ili ovjerenu kopiju DOKAZA o ispunjavanju uslova za ličnu sposobnost ponuđača, u roku od 3 dana, koji je tražen Tačkom 13.1. pod a.1) Tenderske dokumentacije, koji glasi:

a.1) Uvjerenje Suda BiH kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca.

S obzirom da je ponuđač TELEMACH d. o. o. Džemala Bijedića 216, 71000 Sarajevo, propustio da dostavi original ili ovjerenu kopiju dokaza traženog Tačkom 13.1. pod a.1) Tenderske dokumentacije, u skladu sa članom 72. stav (3) tačka a) Zakona o javnim nabavkama Bosne i Hercegovine, Komisija za provođenje postupka nabavke je u Zapisniku dala preporuku da se za uslugu: Interkonekcija članica Univerziteta u Sarajevu prema Univerzitetskom tele-informatičkom centru, prijedlog ugovora dostavi ponuđaču čija je ponuda po rang listi odmah nakon ponude najuspješnijeg ponuđača.

Iz predmetne dokumentacije se vidi da je ponuđač LOGOSOFT d. o. o. Grbavička 4, 71000 Sarajevo, dana 02. 08. 2019. godine, izjavio žalbu protiv navedene Odluke o izboru ponuđača, sa navodima kako je detaljno konstatovano u Tački 12.1. Zapisnika o ponovnom pregledu i ocjeni ponuda.

Ugovorni organ je dana 10. 09. 2019. godine, Uredu za razmatranje žalbi BiH prosljedio izjašnjenje u kojem je navedeno da je žalba ponuđača neosnovana, a što je detaljno opisano u Tački 12.2. Zapisnika o ponovnom pregledu i ocjeni ponuda.

Ugovorni organ je dana 10. 09. 2019. godine, donio Odluku broj: 0101-5244-9-1/19 o obustavi postupka javne nabave.

Ured za razmatranje žalbi BiH je donio Rješenje broj: JN2-03-07-1-1944-12/19 od 26. 09. 2019. godine kojim je usvojio žalbu ponuđača LOGOSOFT d. o. o. Grbavička 4, 71000 Sarajevo, poništio Odluku o izboru najpovoljnijeg ponuđača broj: 0101-5244-7/19 od 24. 07. 2019. godine i predmet vratio ugovornom organu na ponovno odlučivanje.

Stavovi Ureda za razmatranje žalbi BiH su detaljno navedeni u Tački 12.3. Zapisnika o ponovnom pregledu i ocjeni ponuda.

Ured za razmatranje žalbi BiH je obavezao Ugovorni organ da kod ponovnog odlučivanja uvaži stavove Ureda za razmatranje žalbi, iznesene u navedenom Rješenju.

Kako je nevedeno u Zapisniku o ponovnom pregledu i ocjeni ponuda, Komisija za provođenje postupka nabavke je, u skladu sa članom 72. stav (3) tačka a) Zakona o javnim nabavkama Bosne i Hercegovine, dala preporuku da se za predmetnu uslugu, prijedlog ugovora dostavi ponuđaču čija je ponuda po rang listi odmah nakon ponude najuspješnijeg ponuđača, s obzirom da je ponuđač TELEMACH d. o. o. Džemala Bijedića 216, 71000 Sarajevo, propustio da dostavi original ili ovjerenu kopiju dokaza traženog Tačkom 13.1. pod a.1) Tenderske dokumentacije.

- Postupajući po stavovima Ureda za razmatranje žalbi BiH, navedenim u Rješenju broj: JN2-03-07-1-1944-12/19 od 26. 09. 2019. godine, Komisija za provođenje postupka nabavke je izvršila ponovnu evaluaciju ponuda, te je ocijenila da je:

-Ponuda ponuđača BH Telecom d.d. Franca Lehara 7,71000 Sarajevo, NEPRIHVATLJIVA, s obzirom da je Ured za razmatranje žalbi BiH utvrdio da je ponuda ponuđača BH Telecom d. d. Sarajevo morala sadržavati dokument kojim dokazuje da je potpisnik ponude Elvedin Kanafija i ovlašten da istu i potpiše, kako to propisuje član 58. stav (1) tačka g) Zakona o javnim nabavkama BiH.

-Ponuda ponuđača LOGOSOFT d.o.o. Grbavička 4, 71000 Sarajevo, PRIHVATLJIVA.

S obzirom da je nakon ponovne evaluacije i ocjene ponuda ostala samo jedna prihvatljiva ponuda, po mišljenju Agencije za javne nabavke BiH, ne zakazuje se ponovno e-aukcija, nego se ugovor dodjeljuje ponuđaču koji je dostavio prihvatljivu ponudu, i to po cijeni koja je data u ponudi, a ne prema cijeni koja je postignuta e-aukcijom, a koja je kod ponuđača LOGOSOFT d. o. o. Grbavička 4, 71000 Sarajevo ista jer nije snižavao cijenu tokom trajanja e-aukcije.

Nakon ponovne evaluacije ponuda, postupajući po stavovima Ureda za razmatranje žalbi BiH, Komisija za provođenje postupka nabavke je dala preporuku rektoru Univerziteta u Sarajevu da za nabavku usluge: Interkonekcija članica Univerziteta u Sarajevu prema Univerzitetskom tele-informatičkom centru, donese odluku o izboru i dodjeli ugovor ponuđaču LOGOSOFT d. o. o. Grbavička 4, 71000 Sarajevo.

Iz gore navedenih razloga, primjenom člana 69. stav (1) tačka a) Zakona o javnim nabavkama Bosne i Hercegovine, prihvaćena je preporuka Komisije za provođenje postupka nabavke i odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

  
Prof. dr. Rifat Škrijelj



Dostaviti:

1. BH Telecom d. d. Franca Lehara 7, 71000 Sarajevo
2. LOGOSOFT d. o. o. Grbavička 4, 71000 Sarajevo
3. TELEMACH d. o. o. Džemala Bijedića 216, 71000 Sarajevo
4. Prorektor za finansije
5. Generalni sekretar
6. Služba za računovodstvo i finansije
7. Služba za javne nabavke
8. web stranica UNSA
9. a/a

Prilog: Zapisnik o ponovnom pregledu i ocjeni ponuda